


柳田文庫  
文庫11  
D 202



文庫11  
D202

宋秦少游先生著  
清吳孟舉先生鈔

# 淮海集鈔

日本東河土屋先生校

柳川泉文庫

秦淮海集鈔序

北山山本信有撰

商山松蓋生靈芝日南蚌弄出珍珠程  
如豪傑君子之教育得賢能才器也宋  
三百年間有用奇士雅致才子輩出  
莫隆於東坡之門試以蘇門六君子比  
程門四先生孰有才孰有德孰有文孰  
有學孰有用孰有能蘇門一一似優

秦淮海集鈔

010190556030

難得彼公獎提之力而成就其業不如  
 莫第白華一色范因之材以名成  
 一家若梅白桃紅柳綠翹黃均受春風  
 異至花色為華般之可貴可觀也土  
 屋正脩者才子也天資敏厚信古好學  
 教授餘力愛吟詠甚無剽竊腐俗害  
 詩道尚慕相宗循賢法新作嘗得滿  
 清吳孟舉所探秦淮海集抄而與吾孝

徑揚中所藏淮海集校讎上梓  
 以觀宋詩清新與蘇門有人矣朱弁曲  
 洵舊聞引坡公言云秦少游張文潛  
 才識學問為當世第一少游下筆精悍  
 心所默讀而口不能傳者能筆傳之是  
 足以知淮海才學之大槩矣陳子魚打  
 蟲新語云少游歌詞當在東坡上少游  
 不遇東坡當自立必不立人也愚是

以知淮海之高勝，大槩矣。其知此大槩而後，可知正脩所以先刻淮海詩集正脩。又曰：以文足曰成，美皆厚信，脩人深好學，問漢世籍多，得之士也。正脩好學，蓋其家風，而所交之多，忠實之士之，子後來所成，其大可量乎。

享和登於十二月朔書于玉池學字堂



荆淮海集鈔序

東河 土屋正修思永撰

松柏之巖巖不徒鬱然獨翠綠茂盛，隔風日蔽雨露而令其傍衆木皆由此增其色，成其榮。吾於是乎有所感，蓋大丈夫處斯世，能立其身，一世無譏才，終其壽是無難矣。唯其自立而後立，人奮身以為國家之用，大之則推於天下，遠之則垂於後世，德澤功烈蔭海內，不為已謀。令天下由此茂盛，名聲長留于天地間者，其為難矣。故君子之學也，必先自修而後治人，苟不足治人，以為國家之用，則不可言學成也。故為

清海詩話  
丈夫者假令雖不用於今而不可不學得其所以可大用者以待他日之用哉其諸丈夫平生之素志也哉志如此其大業亦如此其大學亦得不大難乎道亦焉得有極乎孔子曰學如不及猶恐失之此謂其難也又曰朝聞道夕死可矣此謂其無極也由此觀之則大丈夫處世豈亦有餘暇乎雖然人非木石當其勞心苦思孜孜以困學也或有感動于中者則不得不解其結撥其鬱是以孔子之聖猶有舞雩風詠之遊故自古英雄豪傑多觀山水之勝以發其興於詩矣蓋欲養其素志也然則詩豈可若世人勞思苦心

區區於句律之間者哉唯其學才餘力隨所感觸任口任腕以發之於其金腸鐵心耳余執古人之詩讀之莫不皆然明李于鱗不知之務以剽竊模擬必同于唐不啻不知詩法抑其志亦可謂陋矣或曰然則子之校刻淮海集鈔亦何為曰自李于鱗以剽竊為典則以模擬為常法律世人皆迷惑真偽不可分也抑後之學者亦不可不知所擇哉若宋人之詩峻嚴雄偉傑烈豪放如山之聳如河之深畢得古人之法於今體可謂真詩矣此吾北山先生之所以遵衰中即之言專以宋為法而余所以刻此鈔也且夫宋人

之詩也一讀之足以解我結再讀之足以撥我鬱三  
讀之不能不為此起舞浩歌矣然則讀宋人之詩亦  
發興之妙足以換夫山水之遊矣淮海者蘇門之高  
弟而其詩亦宋詩中之尤秀者也吳孟舉選而鈔得  
其真趣矣故余自校刻欲讀此以發余興也  
享和三年九月十五日書于三書堂



淮海集鈔

宋 秦觀少游 著

清 吳之振孟舉 選

日本 土屋正修 校

秦觀字少游一字太虛揚州高郵人豪雋慷慨溢  
於文詞舉進士不中盛氣好奇讀兵家書見蘇軾  
於徐為黃樓賦軾以為有屈宋才介其詩於王安  
石亦謂清新如鮑謝軾勉以應舉為親養始登第  
筮仕元祐初軾以賢良方正薦於朝除秘書正字  
兼國史院編脩官日有研墨器幣之賜紹聖初坐



黨籍出判杭州以增損實錄貶監處州酒稅使者  
承風旨伺過失無所得則以謁告寫佛書為罪削  
秩編管橫州徙雷州徽宗放還至藤州出遊華光  
亭為客道夢中長短句索水飲笑視水而卒朱子  
謂渠詩合下得句便巧呂居仁云少游過嶺後詩  
嚴重高古自成一家故當時於蘇門並稱秦鬼鬼  
以氣勝則灑衍而新崛秦以韻勝則追琢而淳泓  
要其體格在伯仲而晁為雄大矣

泊吳興觀音院

金刹負城閨閨然美栖止卞山直穹窿茗水相依倚

本集興  
下有西  
字

霜檜鬱冥冥海棕鮮嶷嶷廣除庇夏陰飛棟明朝暉  
溪光鳧鷖邊天色菰蒲裏緒風傳晝焚壁月窺夜禮  
洩雲慧層空規荷鑑幽泚舳艫煙際下鍾磬林端起  
聲牙戲清深嶽崑撲空紫所遇信悠然此生如寄耳  
志士耻溝瀆征夫念桑梓攬衣軒楹間歎歌何窮已

田居四首

鷄號四鄰起結束赴中原戒婦預為黍呼兒隨掩門  
犁鋤帶晨景道路更笑喧宿潦濯芒屨野芳簪髻根  
霽色披霄靄春空正鮮繁辛夷茂橫阜錦雉嬌空園  
少壯已雲趨伶俜尚鳩蹲蟹黃經雨潤野馬從風犇

村落次第集，隔塍致寒暄。眷言月占好，努力競晨昏。  
入夏桑柘稠，陰陰翳虛落。新麥已登場，餘蠶猶占箔。  
隆曦破曾陰，霽靄收遠壑。雌蜺臥淪漪，鮮飈泛叢薄。  
林深鳥更鳴，水漫魚知樂。羸老厭煩歎，解衣屢盤礴。  
蔭樹濯涼颿，起行遺帶索。家婦餉初還，丁男耘有託。  
倒筒備青錢，鹽茗恐垂索。明日輸絹租，鄰兒入城郭。  
昔我蒔青秧，廉纖屬梅雨。及茲欲成穗，已復頽星暑。  
遲暮易昏晨，搖落多砧杵。村迥少過從，客來旋炊黍。  
興發卽杖藜，未嘗先處所。褰裳涉淺瀨，矯首沒孤羽。  
叢祠土鼓悲，野埭鷓鴣舞。雉子隨販夫，老翁拜巫女。

李集疑亦作疑

辛勤一作艱難稼穡事，側愴田疇語。得穀不敢儲，催科吏  
傍午。

本集傍作帝

嚴冬百草枯，鄰曲富休暇。土井時一汲，柴車久停駕。  
寥寥場圃空，跼跼烏鳶下。孤榜傍橫塘，喧春起旁舍。  
田家重農隙，翁媪相邀迓。班坐釀酒醪，一行三四謝。  
陶盤奉旨蓄，竹筍羞雞炙。飲酣更獻酬，語闕或悲咤。  
悠悠燈火暗，刺刺風颿射。客散靜柴門，星蟾耿寒夜。  
富疑作當

本集更作爭

寄題傅欽之草堂

河陽有沃流，經營太行根。盛德不終晦，發為清濟源。



斯堂濟源上太行正當門仰視浮雲作俯窺流水  
脩竹帶藩籬百禽鳴朝暎相望有盤谷李愿故居存  
主人國之老實惟高巖孫班行昔供奉亟進逆耳言  
天子色為動羣公聲亦吞蕭條冰霜際不改白玉温  
出處士所重其微難具論公勿思草堂朝廷待公尊

本集疎  
作跡

次韻邢敦夫秋懷十首

以下微雲淡河漢一疎  
兩滴梧桐為韻

驅車陟高丘却望大梁圻馳道入雙闕勾陳連太微  
夷門壯下屬清洛相因依美哉吾黨士臯高良可希  
暮有二客至俱以能禪聞一枝惠林出一派智海分  
言各不相可往來劇絲棼謝客姑舍是妨余醉看雲

本集左  
下有  
作存注  
三字本  
幹

本集蘇  
下有  
守慶師  
四字注

昔者曾中書門戶實難瞰筆勢如長淮初源可觴盪  
經營終入海欲語焉能暫斯人今則亡悲歌風慘愴  
渤海有巨鼇其顛冠峩峩宿昔常小抃八紘相盪摩  
忽遭龍伯人一舉空潮波取皮煎作膠清此崑崙河  
蝮蛇初螫手壯士斷其腕豈不悲毀傷所卹在軀幹  
西羗沙鹵地置戍或煩漢雞肋不足云阿瞞妙思算  
湯湯辟靡流中有學子居但說若瞽古言猶三萬餘  
來者轉相祖詞林日凋疎稍喜績溪令入校天祿書  
匠氏構明堂百材入斤斧儻非豫章棟冗長亦焉取  
英英范與蘇器識兼文武胡為先一州不用作霖雨

本集當  
作賦

憬彼高句麗來脩裔夷職天都富如海勞汝送涓滴  
軸艚尾相銜遠近困供億止沸當絕薪揚湯百無益  
祖宗舉賢良充富多名儒執事惡言者此科為之無  
雖有仲舒錯或橫江潭魚果欲鳴鳳至還當種椅梧  
邢侯秋臥病揮毫見深哀賡者二三子翕然笙磬同  
不為兒女姿頗形四方風屬有山水念因之絲與桐

春日雜興十首

本集惟  
作詩

飄忽星氣徂青陽迫遲暮鳴飛各有適赤白紛無數  
兩砌墮危芳風軒納飛絮褰帷香霧橫岸幘雲峰度  
林影舞窓扉池光染衣屨參差花鳥期贈燈琴觴趣

本集并  
手作外

撫事動幽尋感時遺近暮秣馬膏余車行行不周路  
結髮謝外好匏俛希前修繆挾江海志耻為升斗謀  
齟齬難刻畫賤貧多釁尤發軔背伊闕解驂憩邗溝  
丹鉛費永晷麴蘖歐深愁壁月鑿簾櫳珠星絡梧楸  
泯泯渠水駛霏霏花霧浮公子悵何許撫膺徒離憂  
潭潭故邑井猗猗上宮蘭不食自清潔莫服更幽間  
志士耻弱植卷跡甘飢寒佳晨追長覲觸物懸悲端  
川途眇回遠經歲曠音翰豈不慕裘馬詭得非所安  
蟬冕多休迫繩樞歎憂患枉尋竟何補方枘誠獨難  
吳會雖褊小海濱富奇峰天雞一號叫劔戟明遙空

谿谷相徑復深林杳攢叢猿吟虎豹啼雲氣迷西東  
中有遊世士超然閱孤蹤被蘭服明月起坐松聲中  
夜鍛吸沆瀣朝琴庇青葱騎星友元氣巢許安可同  
俛眄區中人飛埃集毛鋒問津或不繆從子遊鴻蒙  
東方有美人容華茂春祭抱影守單棲含睇理哀彈  
聲意一何切所歡逸雲漢徒然事膏沐孰與徂昏且  
微誠浪自持嘉月忽復晏巧轉度虛櫺飛紅觸幽幔  
歲歲芳草滋夜夜明星爛合并會有時索居不必歎  
寢瘵倦文史駕言從遨嬉颼風舉遙淑規日麗清漪  
含挑粲朱實杜若懷碧滋娉娉弱絮墮囹圉文魴馳

本集  
作

本集  
作

明霞廓遠矚哀禽攬離思緜草天際合孤雲川上移  
寬間絕輪鞅重復多路歧信美難久佇歸歟從所治  
昔我遊京室交通五陵間主客各英妙袍馬相追攀  
千金具飲啜百金顧吹彈纓弁羅廣席當頭舞交竿  
鮮粧耀淙酒采纈生風灩燈燭暗夜艾士女紛相班  
歡娛易徂歇轉盼如飛翰憂憂負孤願離離銜永歎  
山鳥窺茗飲簷花笑蔬飧棄捐勿重陳事定須益棺  
客從遠方來遺我昭華管吹之動人心異境生虛窳  
礚礚青嶂橫泱泱春溜漸馬蹄交袂邪車轂錯平坦  
士女競芳辰禽魚蔭修竿依微認睇笑淩沒見纖短

停吹歛泯滅，耿耿復空館。靈物信所珍，顧恨知音罕。  
桃李用事辰，鮮明奪雲綺。繁華一朝去，默默慚杞梓。  
時徂鷹化鳩，地遷橘為枳。獨有美門生，後天猶不死。  
猶一作常

藝籍燔祖龍，斯文就淪喪。帝矜黔首愚，諸雋一作出

相望揚馬操，宏網韓柳激。頽浪建安妙，謳吟風槩亦。  
超放玉繩帶，華月艷青冥。上奕世希末光，經緯得  
無妄。兒曹獨何事，詆斥幾覆醬。原心良自誣，猥欲私  
所向。螳螂拒飛轍，精衛填溟漲。咄咄徒爾為，車海固  
無恙。鸚鵡日彫滅，黃口紛冗長。投袂睨層霄，茲懷誰

本集東  
作東

與亮

同子瞻端午日遊諸寺賦得深字

本集東  
作載

太史抱孤韻，暢懷在登臨。別乘慙鄒枚，佳辰事幽尋。  
參差水石瘦，窅窕房櫳深。清磬發疎箔，妙香橫素襟。  
復登翠堵坡，環回矚嶽峯。雙溪貫城郭，暝色帶孤禽。  
涼飈動爽籟，薄雨生微陰。塵想澹清漣，牢愁洗芳斟。  
揮筆訂往古，援毫示來今。悔無刻燭敏，續此金玉音。

本集悔  
作愧

寄陳季常

一鉤五十轄，始具任公釣。揭竿趣灌瀆，與爾不同調。  
先生本西蜀，俠氣見英妙。哀憐世間兒，細黠似黃鵠。

本集嶠  
作嬌

待童雙擢玉鬢髮光可照駿馬錦障泥相隨窮海嶠  
平生攜手好十七登廊廟小生相吏耶徒枉尺書召  
暮年更折節學佛得心要鬻馬放阿樊幅巾對沉燎  
冷冷屋外泉兀兀原頭燒欲知山中樂萬古同一笑  
送少章弟赴仁和主簿

我宗本江南為將門列戟中葉徙淮海不仕但潛德  
先祖實起家先君始逢掖議郎為名士余亦忝詞客  
風流以及汝三通桂堂籍汝弱不好弄文章有新格  
久從先生遊術業良未測武林一都會山水富南國  
下有賢別駕上有明方伯于將入砥礪駸駸就街

本集孔  
作紀

勤勿矜孔鸞姿不樂棲枳棘吳中多高士徃徃寄老  
釋辯才雖物化參寥猶夙昔投間數訪之可得三友  
益少來輕別離老去重乖隔念汝遠行役惘惘意不  
懌道山雖云佳久寓有飢色功名已絕意政苦婚嫁  
迫終從大夫議稅駕邗溝側追蹤漢兩疎父子老阡  
陌

送李端叔從辟中山

人畏朔風聲我聞獨寬懷豈不知凜冽為自中山來  
端叔天下士淹留塞無成去從中山辟良亦慰平生  
與君英妙時俠氣上參天孰云行半百身世各茫然

當時兒戲念今日已灰死著書如結菴聊以忘憂耳  
駸駸歲道盡淮海歸無期功名良獨難雖成定奚為  
念君遠行役中夜憂反側攬衣起成章贈以當馬策  
次韻夏侯太冲秀才

本集開  
作問房  
作坊素  
作并

儒官飽間散室若僧房靜北窓腹便便支枕看斗柄  
或時得名酒停午猶中聖醒來復何事秉筆賦秋興  
焉知懶是真但覺貧非病茫茫流水意會有知音聽  
鐘鼎與山林人生各天性

雷陽書事三首

本集卷  
作用

駱越風俗殊有疾皆勿藥東帶趨祀房瞽史巫紛若

絃歌薦鹵粟奴主洽觴酌呻吟殊未央更把雞骨灼  
一笛一腰鼓鳴聲甚悲涼借問此何為居人朝送殤  
出郭披莽蒼磨刀向猪羊何須作佳事鬼去百無殃  
舊傳日南郡野女出成群此去尚應遠東門已如雲  
蚩氓託絲布相就通慇懃可憐秋胡子不遇卓文君

海康書事十首

本集  
作鉤

白髮坐鉤黨南遷海瀕州灌園以餬口身自雜蒼頭  
籬落秋暑中碧花蔓牽牛誰知把鉏人舊日東陵侯  
荔子無幾何黃柑遽如許遷臣不惜日恣意移寒暑  
層巢俯雲木信美非吾土草芳自有時鴨鵝何關汝

卜居近流水小巢依欽岑終日數椽間但聞鳥遺音  
 鑪香入幽夢海月明孤斟鶴鷄一枝足所恨非故林  
 培塿無松栢駕言出焉遊讀書與意會却掃可忘憂  
 尺蠖以時詘其信亦非求得歸良不惡未歸且淹留  
 粵女市無常所至輒成區一日三四遷處處售鰕魚  
 青裙脚不襪臭味猿與狙孰云風土惡白州生綠珠  
 海康臘已酉不論冬孟仲殺牛搗祭鼓城郭為沸動  
 雖非堯曆頌自我先人用大笑荆楚人嘉平獵雲夢  
 粲粲菴摩勒作湯美無有土客賦驪駒玉奩開素手  
 那知蒼梧野棄置同芻狗荆山玉抵鵲此事繇來久

上本集

喬上桑柘稀蠶月不紡績吳綃與魯縞取具網船客

本集

一朝南風發家室相咻迫半賈鬻我藏倍稱還君息

地作休

一雨復一暘蒼茫颶風發怒號兼晝夜山海為顛蹶

本集

云何大塊噫乃爾不可遏黎明衆竅虛白日麗空濶

本集

合浦古珠池一熟胎如山試問池邊蜃云今累年間

本集

豈無明月珍轉徒溟渤間何關二千石時至自當還

馬上口占二首

本集

向晨結束事長途利風拈面冰在鬚岡窮得水馬不

作詞

進霧暗失道人相呼悠悠旁舍見汲井軋軋隔林聞

輓車遊目騁懷自可樂勿憶鄉縣增煩紆

霜風稜稜萬木枯，梅花破萼猶含鬚。田家往往事遊獵，追逐狐兔相號呼。微茫山中起狂燒，隱約林梢低日車。馬頭漸覺有佳趣，勿厭阡陌多紫紆。

和黃法曹憶建溪梅花同參寥賦

海陵參軍不枯槁，醉憶梅花愁絕倒。為憐一樹倚寒溪，花水多情自相惱。清淚班班知有恨，恨春相逢苦不早。甘心結子待君來，洗雨梳風為誰好。誰云廣平心似鐵，不惜珠璣與揮掃。月沒參橫畫角哀，暗香銷盡令人老。天分四時不相貸，孤芳轉盼同衰草。要須健步遠移歸，亂插繁華向晴昊。

木集同 參寥賦 四字集 按此集 目錄此 題下小 書士子 瞻子田 附不惟 賦參寥 賦參寥 本集亦 不載三 子詩

題驃表圖

雙瞳夾鏡權協月，尾鬣蕭森澤於髮。鞍銜不施韁復脫，旁無馭者氣騰越。地如砥平丘隴滅，天寒日暮抱飢渴。驤首號鳴思一發，超軼絕塵入恍惚。東門金鑄久銷歇，曹霸丹青亦云沒。賴有龍眠戲揮筆，眼前時見千里骨。玉臺閭闔相因依，嗟爾龍媒空自奇。鸞旗日行三十里，焉用逐風追電為。

以蓴薑法魚糟蟹寄子瞻

鮮鯽經年漬醯醢，團臍紫蟹脂填腹。後春蓴茁滑於酥，先社薑芽肥勝肉。鳧卵累累何足道，飮餼盤殮亦

本集 作金 作京



時欲淮南風俗事，瓶罌方法相傳為。昔嘗魚鱗蠶醢，薦籩豆山簌。溪毛例蒙錄，輒送行庖當。擊鮮澤居備，禮無糜鹿。

輦下春晴

樓闕過朝雨，參差動霽光。衣冠紛禁路，雲氣繞宮牆。亂絮迷春澗，蕙花因日長。經旬牽酒伴，猶未獻長揚。

睡起

睡起東軒下，悠悠春緒長。爬搔失幽轉，欵欠墮危方。蛛網留晴絮，蜂房受晚香。欲尋初斷夢，雲霧已冥茫。

對淮南詔獄

本集款  
作款

本集潤  
作潤

淮海行，搖落文書亦罷休。風霜欺獨宿，燈火伴冥搜。笳動朱樓曉，參橫粉堞秋。更拚飛鏡破，應得大刀頭。

次韻答米元章

嗜好清，無滓周旋粲有文。揮毫春在手，岸幘海生雲。花鳥空撩我，尊鱸正屬君。惟應讀雌蜺，差不愧王筠。宿參寥房。

鄉國秋行暮，房櫳日已暝。驚風多犯竹，破月不藏星。鈎箔簷花動，抄書燭燼零。非關相見喜，自是眼長青。次韻傳道自適兼呈都司芸叟學士。

楚國陳夫子，周南頗滯留。弊袍披槁葉，瘦馬兀扁舟。

藥餌過三伏，文書散百憂。何人共禪悅，居士有浮休。

遊龍門山次程公韻

路轉橫塘入亂峰，遍尋瀟灑興無窮。樓臺特起喧卑外，村落隨生指點中。溪傍五雲清逗玉，松分八面翠成宮。歸途父老欣相語，今日程公昔謝公。

遊龍瑞宮次程公韻

靈祠真館閃山隈，形勢相高對越臺。莓徑翠依屏上轉，藕花紅繞鑑中開。鶴銜寶箭排煙去，龍護金書帶雨來。大道萬星攢騎火，滿城爭看使君回。

次韻朱李二君見寄二首

本集  
作衙

東阡北陌坐淹時，偶為高風振羽儀。十丈蓮花開處遠，三年楮葉刻成遲。鬢毛但速安仁老，錢粟難輸曼倩飢。尚賴故人遙省憶，發揮春色有新詩。

萬古流空一鳥沈，衣冠常苦事違心。七行俱下知君舊，四者難并笑我今。梅已偷春成國色，雲猶憑臘造天陰。美人綠綺煩遙贈，莫致南金增永吟。

寄題倪敦復北軒

倪郎才韻照冰壺，北向開軒頗自娛。簷度蕙風鳴鵲，鷓壁經梅兩畫虬。觥籌交錯銀河挂，文史縱橫角簟鋪。官舍私居同是漫，莫嗟三徑就荒蕪。

次韻子由題平山堂

棟宇高開古寺間，盡收佳處入雕欄。  
山浮海上青螺遠，天轉江南碧樹寬。  
雨檻幽花滋淺淚，風巵清酒漲微瀾。  
遊人若論登臨美，須作淮東第一觀。

本集樹作玉

次韻子由題摘星亭迷樓舊址

崑崙左右兩招提，中起孤高雉堞西。  
不見燒香成宿霧，虛傳裁錦作障泥。  
螢流花苑飛星亂，蕪滿春城綠髮齊。  
長憶凭欄風雨後，斷虹明處海天低。

本集燕作燕

次韻子瞻贈金山寶覺大師

雲峰一變隔炎涼，猶喜重來飯積香。  
宿鳥水干迎曉

開亂帆天際受風忙，青鞋踏雨尋幽徑。  
朱火籠紗語上方，珍重故人敦妙契。  
自憐身世兩微茫。

遊鑑湖

畫舫珠簾出繚牆，天風吹到芰荷鄉。  
水光入座杯盤瑩，花氣侵人笑語香。  
翡翠側身窺綠酒，蜻蜓偷眼避紅粧。  
葡萄力緩單衣怯，始信湖中五月涼。

本集牆作牆

春日寓直有懷參寥

觚稜金爵自岩堯，藏室春深更寂寥。  
捫蝨幽花歌露葉，岸巾高柳轉風條。  
文書几上鬚髯變，鞍馬塵中歲月銷。  
何日一筇江海上，與君徐步看生潮。

顯之禪老許以草菴見處作詩以約之

橡葉岡頭釋馬銜區中奇觀得窮探崖空飛鼠聲相應江靜羣峰影倒涵居士碧雲裁秀句道人哀玉扣清譚偶成二老風流事不是三乘宿草庵

本集譚作談

和孫莘老遊龍洞

葦蕭傳火度冥冥乍入清都醉魄醒草隱月崖垂鳳尾風生陰穴帶龍腥壁間泉貯千鍾碧門外天橫數尺青更欲仗筇留頃刻却疑朝市已千齡

本集閣作若

西城宴集元祐七年三月上巳詔賜館閣官花酒以中潯日遊金明池瓊林院又會於國夫人

園會者二十有六人二首

春溜泱泱初滿池晨光欲轉萬年枝樓臺四望煙雲合簾幕千家錦繡垂風過忽聞花外笑日長時奏水中嬉太平誰謂全無象寓在羣仙把酒時次王敏中少監韻宜秋門外喜參尋豪竹哀絲發妙音金爵日邊棲壯麗彩虹天際臥清深已煩逸少書陳迹更屬相如賦上林猶恨真人足官府不如魚鳥自飛沈次王仲至侍郎韻

寄新息王令藏春塢

令尹才高寺為空歲時行樂與民同旋開小塢藏春色更製新聲寫土風客向罇前忘爾汝路穿花去失

西東無言媯女今焉在桃李相傳恨未窮

寄題趙侯澄碧軒

風流公子四難并更引清漪作小亭潤及玉階春漲  
雨光浮藻井夜涵星捲簾几硯成圖畫倚檻鬚髮入  
鏡屏何日解衣容借榻臥聽螭口瀉泠泠

寄張文潛右史

解手亭臯纔幾月春風已復動林塘稍遷右史公何  
忝初閱除書國為狂日出想驚儒發冢風行應罷女  
爭桑東坡手種千株柳聞說邦人比召棠

次韻太守向公登樓眺望二首

茫茫汝水抱城根野色偷春入燒痕千點湘妃枝上  
淚一聲杜宇水邊魂遙憐鴻隙波穿路尚想元和賊  
負恩粉堞女牆都已盡恍如陶侃夢天門

庖煙起處認孤村天色清寒不見痕車網湖邊梅澗

淚壺公祠畔月銷魂封疆盡是春秋國廟食多懷將

相思試問李斯長嘆後誰牽黃犬出東門

寄錢節

時出為揚州從事新錄兼簡參寥

論月柴門不浪開命車良為故人來茫然極目春千  
里尚想愁腸日九迴綠水池邊聊復爾黃梁枕上信  
悠哉何時共約參寥子自擷青青作飯材

本集網  
作朝

本集網  
作回

贈劉使君景文

落落衣冠八尺雄，魚符新賜大河東。  
穰苴兵法由司馬，曹植詩原出國風。  
拈筆古心生篆刻，引觴俠氣上雲空。  
石渠病客君應笑，手校黃書兩鬢蓬。

答龔浚之

深巷茅簷日漸長，臥看花鳥競朝陽。  
惜無好事攜樽酒，賴有鄰家振燭光。  
尚友頗存書萬卷，封侯正闕木千章。  
錯刀錦段相仍至，小子都忘進取狂。

答曾存之

環堵蕭然汝水隈，孤懷炯炯向誰開。  
青春不覺書邊

過白髮無端鏡上來，祭竈請鄰聊復爾。  
賣刀買犢豈難哉，故人休說封侯事。  
歸釣江天有舊臺。

次韻裴仲謨和何先輩

汝南古郡寡參尋，兀兀長如鶴在陰。  
支枕星河橫醉後，入簾風絮報春深。  
青山未落詩人手，白髮誰知國士心。  
多謝名郎傳綠綺，愧無佳句比南金。

次韻劉遜父以寧齋詩二軸作以還之

楊舫偶過海邊州，一見名郎破百憂。  
荀氏諸龍俱俊偉，河東小鳳最風流。  
明珠白璧堪投報，細草幽花入獻酬。  
別駕舊齋何足念，文昌新府待公遊。

次韻宋履中近謁大慶退食館中

翠華初到殿中間三館諸儒共一班迎謁曉延清蹕  
近退穿春仗綵旂間病來怕飲東西玉老去慚陪大  
小山知續春明退朝錄借觀當奉一鷓還

與鄧慎思沐於啓聖遇李端叔

羸兵瘦馬犯黃塵自笑區區夢裏身不是對花能伏  
老自緣無酒可澆春校書天祿陪羣彥晞髮陽阿遇  
故人三百六旬如此少更添香火坐逡巡

會蓬萊閣

冠裳益坐灑清風軒外時聞韻籟龍人面春生紅玉

本集清  
作滑

木葉  
葉作  
葉  
本集更  
作便

液銀盤煙覆紫駝蜂天涵秋色山山共樹攪鄉思葉  
葉重更欲買船江北去為懷明德更從容

與李端叔遊智海用前韻

點目誰能化兩龍超然相見古人風紅塵稍與僧家  
遠白髮偏於我輩公休計浮名千載後且飲湯餅一  
杯同何時並築邗溝上引水澆花半畝宮

九月八日夜大風雨寄王定國

長年身外事都捐節物驚心一悵然正是山川秋入  
夢可堪風雨夜連天桐梢撼撼增悽斷燈燼飛飛落  
小圓湔洗此情須痛飲明朝試就酒中仙

寧浦書事六首

揮汗讀書不已人皆怪我何求我豈更求榮達日長  
聊以銷憂

魚稻有如淮右溪山宛類江南自是遷臣多病非于  
此地煙嵐

南土四時盡熱愁人日夜俱長安得此身如石一齊  
忘了家鄉

洛邑大師奄謝龍川僕射云亡他日歸然獨在不知  
誰似靈光

身與杖藜為一對月和影成三骨肉未知消息人生

本非如  
作

到此何堪

寒暑更拚三十同歸滅盡無疑縱復玉關生入何殊  
死葬蠻夷

泗州東城晚望

渺渺孤城白水環舳艫人語夕霏間林梢一抹青如  
畫應是淮流轉處山

次韻參寥見別

爐香冉冉紆寒穗篝火熒熒擢夜芒預想江天回首  
處雪風橫急雁聲長

春日五首



本集亭  
作庭

幅巾投曉入西園春動林塘物物鮮却憇小亭纔日出海棠花發麝香眠

本集家  
差作差  
左

一夕輕雷落萬絲霽光浮瓦碧參差有情芍藥含春淚無力薔薇臥曉枝

袂衣新著倦琴書散策池塘返照初翠碧黃鸝相續去荇絲深處見遊魚

春禽葉底引圓吭臨罷黃庭日正長滿院柳花寒食後旋鑽新火熱爐香

金屋舊題煩乙子蜜脾新採賴蜂臣蜻蛚蛺蝶無情思隨例顛忙過一春

本集注  
下有注  
語狂注

秋日三首

霜落邗溝積水清寒星無數傍船明菰蒲深處疑無地忽有人家笑語聲

月團新碾瀾花甕飲罷呼兒課楚詞風定小軒無落葉青蟲相對吐秋絲

連卷雌蜺挂西樓逐雨追晴意未休安得萬粧相向舞酒酣聊把作纏頭

春日偶題呈錢尚書

三年京國髻如絲又見新花發故枝日典春衣非為酒家貧食粥已多時

本集錢  
尚書作  
上尚書  
文天  
本集考  
作疑

本集中  
下有一

題柳陽道中古寺壁二絕

門掩荒寒僧未歸，蕭蕭庭菊兩三枝。行人到此無腸斷，問爾黃花知不知。

哀歌巫女隔祠叢，飢鼠相追壞壁中。北客念家渾不睡，荒山一夜雨吹風。

幽眠

本集中  
作非知  
作如

幽眠起常晚，冬晷復不長。中間數十刻，倏如驚燕翔。晨飡粗云畢，申鼓鳴相望。忽忽竟何就，念之動中腸。天地一逆旅，死生猶轉高。暫來旋云去，遲速乃所常。較計亦何補，徒然費慨慷。不知聽兩行，一槩付酒觴。

北風吹老槐，白日轉紙窗。布衾一覺睡，身世成渺茫。宿莽冬不衰，蘭茝幽更芳。無庸傷局促，速此鬢髮霜。

隕星石

蕭然古丘上，有石傳隕星。胡為霄漢間，墜地成此精。雖有堅白姿，塊然誰汝靈。犬眠牛礪角，終日蒙羶腥。疇昔同列者，到今司賞刑。森然事聖角，次第羅空青。俛仰一氣中，萬化無常經。安知風雲會，不復歸青冥。

山陽阻淺

一日行一尺，十日行一丈。豈不歎淹留，所幸無波浪。悲風動深夜，原野眇森爽。青天行蟾蜍，枯木轉魍魎。

本集中  
作林

此時蓬萊下去心劇於癢棄置勿復論通塞如反掌

次韻參寥莘老

迅風薄高林萬象號虎豹紛披枳與棘爾復鼓狂聞  
我垣既已頽我棟又以撓豈無一木支橫力難與較  
黎明忽自罷晴日射魚罩死水失狂瀾衰木回故貌  
勞生真夢事往趨如睡覺炊黍焚黃鷄吾其理歸棹

送洪景之循州參軍

寒梅不自重輒花桃李先矯枉有佳菊最後眾芳妍  
各因一時美難以相嗤憐物理固若是士林亦宜然  
夫子南國俊聲猷推妙年數奇晚方偶參軍古龍川

木集文  
作校

本集  
下有一  
語作其注

龍川雖云遠風物號清鮮羅浮不相下頡頏巉荒天  
雲鬢二三子聊足奉周旋行矣試老拳歸歟遠翔騫

茶

茶實嘉木英其香乃天育芳不愧杜蘅清堪揜椒菊  
上客集堂葵圓月探奩盃玉鼎注漫流金碾響杖竹  
侵尋發美鬯猗猗生乳粟經時不銷歇衣袂帶紛郁  
幸蒙巾笥藏苦厭龍蘭續願君斥異類使我全芬馥

贈張潛道

張生何為者落魄不自拘獨攜三尺琴笑別妻與孥  
一來泊吾里忽已月再虛朝遊故人館暮止佛子廬

雖無食美餘所樂常晏如我欲有所進生聞勿煩紆  
君子間有道不專塊然居無道祗深適鳴戲亦已愚  
願生脫塵鞅從我滄海隅

秋夜病起懷端叔作詩寄之

寢瘵當老秋入夜庭軒空天光脆如洗月色清無縫  
風颼戾戾輕露氣霏霏重簷花伴徐步寵燭窺孤諷  
緬惟情所親佳辰誰與共夫子淮海英材大難為用  
秉心既絕俗發語自驚眾塵尾扣球琳筆端攢蟠螭  
雄深迫揚馬妙麗該沈宋浮沉任朝野魚鳥狎鯢鳳  
與時真楚越於我實伯仲爾來居邑鄰頗便書札貢

本集傷  
作懷

上憑鴻雁傳下託鯉魚送二物或愆時已辱移文訟  
人生無根柢泛若凌波葯昧者復汲汲晨暝趨一閔  
陰持含沙毒射影期必中自匿嫫母容對客施錦幪  
溘然一朝逝萬事俱成夢形骸猶汝辭勢利猶君動  
思之可大息傷之為長慟所以古達人脫身事高縱  
我生尤不敏曾腹常空洞疆顏入規模垂耳受羈鞅  
行謀買竿棧名理就折衷但恐狂接輿煩君更朝弄

送孫誠之尉北海

吾鄉如覆盂地據揚楚脊環以萬頃湖黏天四無壁  
蜿蜒戲神珠正晝飛霹靂草木無異姿靈氣殊鬱積

本集  
作追

本集  
作

本集  
下猶有  
顧嗣立  
四極行  
矣吐  
圖勉  
十二  
而其下  
云關文

所以生群材各抱荆山璧小為百夫防大為萬人敵  
夫子少邁倫喑鳴阻金石奏賦明光宮玉坐瞻咫尺  
翻身墮雲霄十載追窮厄焚舟更一戰得尉滄海北  
五月乘畫船簫鼓事遠適天橫齊山青雨帶楚水黑  
勿云晚方仕四十乃古昔勿云名位卑九萬自此擊  
幽求尉朝邑鬢髮森已白元振尉通泉律令非所即  
一朝會風雲闕文

秋興擬韓退之

逍遙北窗下百事遠客慮無端葉間蟬催促時節去  
愁起如亂絲營纏不知緒日月豈得已還復役朝暮

本集  
作秋

擬孟郊

人生均有得悲歎我不悟春秋自天時感情亦真趣  
曉風有暴信暮蟬無好聲曉風與暮蟬自與時節爭  
獨客辭故鄉推車謁梁城梁城道迢遞區區役吾生  
不如歸舊山藜藿安性情

擬韋應物

坐投林下石秋聲出疎林林間鳥驚棲豈獨傷客心  
物亦有代謝此理共古今鄰父縮新醅林下邀同斟  
癡兒踏吳歌姪姀足訛音日落相攜手涼風快虛襟

宿金山

本集晚  
作曉

山南山北江水流，半空金碧隨雲浮。我來仍值風日好，十月未寒如晚秋。山僧引客尋蒼翠，歷卷參差到平地。萬里風來拂骨清，却憶人間如夢寐。夜深無風月入扉，相對老人如槁枝。流水與天爭入海，共笑此心誰得知。下山却向中冷望，番憶當時在屏障。老母思兒且欲歸，回首雲峰已天上。

本集冷  
作潭

李端叔見寄次韻

本集之  
作義

君文豪瞻無與儔，使我吟諷忘離憂。浩如沅湘起陽侯，翻星轉日吞數州。華章藻句饒風力，頃刻朱紅迷畛域。一斑縱復為管窺，萬派終難以之測。區區文墨

倦高情，解艱還遊恍惚庭。半槽新水六尺簟，卧視雲物行空青。伊我籃輿抵京縣，溽暑黃埃負初願。君家只在御城東，彌月不能三兩見。求仙未若醉中真，蟻鬪蛾飛愁殺人。清都夢斷理歸棹，回首一樹瓊枝新。歸來草木春風換，世事蝟毛那可算。幸謝故人頻寄書，莫笑元郎自呼漫。

陳令舉妙奴詩

西湖水滑多嬌嬈，妙奴十二正芬芳。肌膚暫白髮脚長，含語未發先有香。溪上夜燕侍簪裳，皎如華月墮滄浪。音聲入雲能斷腸，不許北客辭酒漿。主人藹藹

邦之良少年射策謁未央俊詞偉氣森開張玉杓貫  
斗生怒芒天欲文采老更昌故使斂翮窺羣翔五十  
僅補尚書郎浩歌騎牛倚徜徉東風戲兩花草狂二  
溪泱泱青黛光妙奴勿倦侑羽觴主人正欲遊醉鄉  
還自湯泉十四韻

本集  
作慢

歲晚倦城郭聯驂度業我天黃雲脚亂村黑鳥翎訛  
潦水侵生路晴天落漫坡澄江練不卷温井鑑新磨  
漁火分星遠沙鷗散點多霸祠題玉筋龍窟受金波  
琬琰存吳事兒童記楚歌孤龕瘦居士雙塔老頭陀  
飛鼠鳴深穴胡蜂結巧窠晚參圓白足昏梵禮青螺

本集  
作盛

本集  
作春

雲馭沉荒甃仙春沒淺莎杖藜從莫逆談笑入無何  
滲澹日連霧蕭騷風轉阿華清俄夢斷回首失煙蘿  
辯才法師嘗以詩見寄繼聞示寂追次其韻  
遙聞隻履去翛然詩翰纔收數月前江海盡頭人滅  
度亂山深處塔孤圓憶登夜閣天連雁同看秋崖月  
破烟尚有衆生未成佛官超欲界入諸禪

本集  
寄作呈  
大虛

次韻公闢即席見寄

與君鄰並共煙霞乘興時時過我家更漏一新聞曉  
角門闌數級看秋花湖山對值全如買風月相期不  
用賒賴有醉毫吟更苦他年分作句圖誇

本集今  
逸此詩  
余別有  
說

秋興擬杜牧之

鼓鼙夜戰北窓，風霜葉鋪堦。壘亂紅一段，新愁驚枕。上幾聲悲雁，落雲中。眼前時節看，馳馬目下，生涯寄斷蓬。弟妹別來，勞夢寐，杳無消息。過江東。

本集白  
樂天作  
不至自全  
別有說

秋興擬白樂天

不因霜葉辭林去，的當山翁未覺秋。北里酒錢煩屢索，南州詩債懶頻酬。欲歌金縷羞紅粉，擬插黃花避白頭。底事登臨好時節，等閒收拾許多愁。

中秋口號

并引一云雲山閣白語

伏以四難并得，既為樽俎之佳期。五福具膺，實號

本集閣  
作閣

夜

縉紳之盛事，矧中秋之屆候。宜公燕之交歡，恭惟判府大資身。遇聖神家傳將相，時應半千之運。論歸尺五之天，姓名久在於金甌。方面暫分於玉節，浮塔飛閣引南國之佳人。豪竹哀絲奏西園之清

本集安  
作宴

次韻侍祠南郊

雲山簷楹接低空，公晏初開氣鬱蔥。照海旌旛秋色裏，激天鼓吹月明中。香槽旋滴珠千顆，歌扇驚圍玉一叢。二十四橋人望處，台星正在廣寒宮。

風馬雲車下九天，郊柴初告帝心虔。天如倚蓋臨壇



蘇東坡詩集  
上星若連珠，遶御前。縹緲佩環參，雅奏岩堯樓。閣抱  
非烟，侍臣舉酒，欣相屬。醉看參橫左右肩。

口號

美酒忘憂之，物流光過隙之駒，不稱人心十事常  
居八九。得開口笑，一月亦無二三。莫思身外無窮  
且賭尊前見在功名富貴，何異楚人之弓，城郭人  
民間取遼東之鶴，付與香鈿畫鼓盡歡美景良辰  
欲奏長謠，聊陳短韻。

平原居士今無影，鸚鵡空洲誰舉杯。猶有漁陽搥搥  
鼓，為君醉後作輕雷。

早春

黃金蕪蕪滿垂楊，尚有春寒到畫堂。酒力漸銷歌扇  
怯，入簾飛雪帶梅香。

赴杭倅至汴上作

俯仰觚稜十載間，扁舟江海得身閒。平生孤負僧牀  
睡，准擬如今處處還。

無題

掃地燒香閉閣眠，簾紋如水帳如煙。客來夢覺知何  
處，掛起西窓浪接天。

蘇子瞻記江南所題詩本不全，余嘗見之，記其

五絕今以補子瞻之遺東坡跋并三絕見正集第十卷擬織錦詩

下注

紅窓小泣低聲怨永夕春風斗帳空中酒落花飛絮亂曉鶯啼破夢忽忽

晞草露如即倖薄亂花飛似妾情多歸鴻見處彈珠淚語燕聞時斂翠蛾

琴絃斷續愁兼恨嶺水分流西復東深院小扉紅日落繡牕間倚更誰同

參橫霽色天沉水宿鳥寒枝竹瑣煙衾惹舊香清夜半淚凝殘燭畫堂前

本集宿鳥作鳥宿

本集一作霜初

寒信一風柿葉黃冷燈殘月照空牀看君記憶傳文錦字字愁縈惹斷腸

金山晚眺

西津江口月初弦水氣昏昏上接天清渚白沙茫不辨只應燈火是漁船

和程給事贈虞道判三首

刀圭雲母具晨餐門對三層步斗壇夜考鶴經分七九曉占歲氣辨齡丹

火棗交梨近可餐不須地肺及天壇龜藏坎海毛皆綠鳳宿离宮色自丹

本集三首亦作六首

本集  
作掩

本集  
作李

紫府沉沉揜夜關，竹陰清掃月中壇。歲星偷得桃枝碧，董奉栽成杏子丹。

處州閒題

清酒一杯甜似蜜，美人雙鬢黑如鴉。莫誇春色欺秋色，未信桃花勝菊花。

春詞絕句三首

蒲萄裊暖蕙薰微，紅日窺軒睡覺時。人倦披衣雙燕出，青絲高罨木蘭枝。

弱雲亭午弄春嬌，高柳無風翠條懶。讀夜書搔短髮，隔垣時聽賣餠簫。

本集三  
作五詩  
亦有五  
首

都城春富百花披，長憶人歸駐馬時。淺色御黃應好在，為誰還發去年枝。

秋詞二首

雲惹低空不更飛，班班紅葉欲辭枝。秋光未老仍微暖，恰似梅花結子時。

無數青莎遠玉階，夕陽紅淺過牆來。西風莫道無情思，未放芙蓉取次開。

呈李公擇

青箋擘處銀鈎斷，紅袂分時玉筋懸。雲脚漸收風色緊，半規斜日射歸船。

落日馬上

日落荒阡白霧深紫騮嘶顧出疎林回頭已失來時  
路杳杳金盤墮翠岑

賞酴醾有感

春來百物不入眼唯見此花堪斷腸借問斷腸緣底  
事羅衣曾似此花香

淮海集鈔終

